

KNI-mi siulersuisunut akissarsiaqartitsinermut ataatsimiititaliap suliassaasa allattorsimaffiat

1. Siunertaq

Akissarsiaqartitsinermut ataatsimiitsitaliaq siulersuisunit pilersinneqarpoq. Siulersuisut akissarsiaqartitsinermut ataatsimiititaliamut oqartussaasuvoq.

Ataatsimiitsitaliap akissarsiaqartitsinermut politikki akissarsitsinerillu pillugit, siulersuisunut siunnersuutiniq suliaqartarput. Soorluttaaq suliffeqarfiit pigisaat ataatsimiitsitaliap suliaanut ilaasut.

Ataatsimiitsitaliap suliaasa siunertaraat:

- KNI-p akissarsiaqartitsinermut politikkia nalilersussallugu,
- akissarsiaqartitsinermut politikki aqqissussallugu naleqquttumillu atuutinneqarnersut qulakkiissallugu,
- akissarsiaqartitsinermut politikki akissarsitsinermullu pilersarusiat malillugit ingerlanneqarnersoq kiisalu periusissiamut iluaqutaanissaat qulakkiissallugit,
- pisortaanerup naleqquttumik akissarsiaqarnissaa aamma akissarsiai niuernermi piumasaqaatinut naleqquttuunissaat qulakkiissallugu kiisalu Kalaallit Nunaanni Namminersorlutik Oqartussanit tamakkiisumik pigineqarnerput eqqarsaatigalugu aqutsisut sinnerisa akissarsiaqartitsinermut politikki malillugu akissaateqartinneqarnissaat ilanngullugu,
- akissarsiat ukiumoortumik nalunaarusiami paasissutissat eqqortueneri, ersarissueneri tamakkiisumillu nalunaarutigineqarsimanagerat nakkutigalugu,
- qullersaqarfimmi aqutsisut aqutsinermi iluatsittumik ingerlatsinersut nakkutigissallugu.

2. Ataatsimiitsitaliap katitigaanera

Akissarsiaqartitsinermut ataatsimiitsitaliaq pingasunik ilaasortaqaassaaq. Ilaasortaasussat ataatsimeersuareernerup kingorna ukioq ataaseq ilaasortaasussatut siulersuisunut toqqarneqartassapput. Siulersuisut siulittaasuat aamma siulittaasup tullia akissarsiaqartitsinermut ataatsimiititaliami ilaasortaasassapput kiisalu siulersuisuni ilaasortaqaataaseq ataatsimiititaliami aamma ilaasortaasassalluni.

Ataatsimiitsitaliap ilaasortai imak katitigaassapput KNI-p akissarsiaqartitsineranut aammalu akissarsiaqartitsinermut politikianik suliffimmilu suleriaatsinik pioreersunik piginnaasaqarlualutik pitsaasumillu nalilersuinnaasuussallutik.

Siulersuisuni ilaasortaqaataaseq ilaasortaanerminut tunuaruni akissarsiaqartitsinermut ataatsimiititaliamiit aamma ilaasortaajunnaassaaq. Ataatsimiititaliamut sinniisussamik ataatsimik toqqaasoqassaaq.

3. Ataatsimiitsitaliamut ataatsimiigiqqussisutit

Ataatsimiititaliap siulittaasua ataatsimiigiqqussisassaaq. Ataatsimiititaliami ilaasortaqaataaseq arlaalluunniit ataatsimiittoqarnissaanik piumasaqarsinnaavoq.

Ukiuumut ikinnerpaamik sisamariarluni kiisalu pisariaqartitsineq naapertorlugu ataatsimiittoqartassaaq.

Ataatsimiitsitaliami ilaasortanit imaluunniit siulersuisuni ilassortamut siunnersuutit akissarsiaqartitsinermut tunngasut ataatsimiitsitaliami oqaluuserineqartassapput. Ataatsimiitsitaliap imaqarniliortussaata ullormut ataatsimiinnermi oqaluuserisassat siulittaasooq peqatigalugu suliarisassavai, taannalu ataatsimiinnerup pinginnerani nassiunneqareertassaaq.

Pisortaarneq imaluunniit sulisoqarnermut pisortaqaataaseq akissarsiaqartitsinermut ataatsimiititaliap ataatsimiinnerinut peqataatinneqassanersut ataatsimiitsitaliap nalilersortassavaa.

4. Ataatsimiinnerit

Siulittaasup ataatsimiinnerit aquttassavai. Akissarsiaqartitsinermut ataatsimiitsitaliaq nalinginnaasumik nammineq aalajangiinnaatitaanngilaq, kisiannili siulersuisut tamarmik aalajangiiffigisassaannik piareersaasartussaavoq. Matumalli kingorna immikkoortotap 7g-imiittut kingorna aalajangigassat pinnagit. Siulersuisunut inassuteqaatissat sinneri suusanersut ataatsimiititaliap aalajangiiffigisassavai.

Ataatsimiitsitaliap ataatsimiinneri imaqarniliorneqartassapput. Imaqarniliortussaq imaqarniliortassaaq, ajornanngikkaangallu ataatsimiitsitaliap ilaasortaasa tamarmik atsiortassavaat. Atsiortoqarnissaata tungaanut allakkatigut akuersineq akuerineqassaaq. Tamanna tunngaveqarpoq ilaasortat sumiiffinni assigiinngitsuni najugaqarnerinik (Kalaallit Nunaat/Danmark/nunat allat). Malittarisassat siulersuisunut ilaasortanut atuuttut ataatsimiititaliamut aamma atuupput, tamatumani allanut oqaatigineqartussaannngitsunut tunngatillugu siulersuisut suleriaasiat ilanngullugu.

Ataatsimiitsitaliap ataatsimiinnerani oqaluuserineqartut imaqarniiallu toqqortaatigineqarnissaat KNI-p qulakkeertassavaa.

5. Siulersuisunut nalunaaruteqarneq

Siulersuisut ataatsimiinnerini ataatsimiititaliami suut oqaluuserineqarsimanersut kiisalu siulersuisunut akuerisassanngorlugit ataatsimiititaliap inassuteqaatai akissarsiaqartitsinermut ataatsimiititaliap siulersuisunut ilisimatitsissutigisassavai.

Akissarsiaqartitsinermut ataatsimiititaliap ataatsimiinneranit imaqarniliat kingulliit siulersuisut ataatsimiinnissaannut atugassanut ilanngullugit nassiuttassavaat, paasissutissalli inunnut tunngassuteqarlunnartut pinnagit.

6. Suliassanik agguataarinnineq

Akissarsiaqartitsinermut ataatsimiitsitaliap ilaasortaasa suliffeqarfiup iluani siunnersorneqarnissartik ikiorneqarnissartillu periarfissaraat, ilaatigut avataaneersunit inatsisitigut imaluunniit allatigut siunnersorneqarnissaaq periarfissaalluni. Avataaniit siunnersortittoqassappat taava KNI-p siunnersortitit atortagai atorneqassanngillat.

7. Suliassat

Akissarsiaqartitsinermi ataatsimiitsitaliap ilaatigut makku akisussaaffigai:

- a) Akissarsiaqartitsinermut politikki nalilersussallugu siulersuisunullu akuerisassanngortissallugu.
- b) KNI-mi akissarsiaqartitsineq nalinginnaasumik malinnaavigissallugu kiisalu sulisut ilaasa akissarsiaat ukiumoortumik misissussallugit, tamatumunnga ataasiartumik akissarsisitsinerit ilanngullugit.
- c) Akissarsiassanik naliliineq tunngavissanillu inassuteqarneq kiisalu pisortaasut bonusiaqartinneqarsinnaanerit kiisalu sulisunut ataasiartumik akissarsisitsinerit ilanngullugit.
- d) Qullersaqarfiup akissarsiassaanut tunngatillugu nalilersuinissaaq innersuosiornissarlu (akissarsiat, angusallu tunngavigalugit akissarsisitsisoqassappat kiisalu atorfinitsitaanermi atugassarititaasut).
- e) Siulersuisunut ilaasortat akissarsiassaanik nalilersuineq inassuteqaasiornerlu, tamatumani ilanngullugit siulersuisut suliakkiutigisimasinnaasaannut akissarsiassat kiisalu ataatsimiititaliat siulersuisut pilersitaasa suliagarnerinut akissarsiassat. (Kukkunersiunerimmi ataatsimiititaliaq il.il.)
- f) Akissarsiaqartitsinermut politikki eqquutsinneqarnerisooq pillugu nalunaarutigineqartut tigusarlugillu nalilersortassavai kiisalu akissarsiat pillugit ukiumoortumik nalunaarummi paasissutissiissutigineqartut eqqortuunersut, ersarissuunersut tamakkiisuunersullu nakkutigissallugit.
- g) KNI-mi sulisunut akissarsiaqartitsinissamut politikki atuuttumiit allaanerusumik atorfinitsitaanermi atugassaqartitsisoqassappat tamanna akissarsiaqartitsinermut ataatsimiititaliap akuerieqqaassavaa.

8. Akissarsiaqartitsineq

Akissarsiaqartitsinermi ataatsimiitsitaliami ilaasortat ataatsimiititaliami ilaasortatut suliagarnermi immikkut akissarsiaqartinneqassapput.

9. Suliassat tunngaviannik allannguneq

Sulissat tunngaviat siulersuisut ukiumut ataasiarlutik nalilersortassavaat, allannguutissanillu siunnersuuteqassagunik siunnersuutitik siulersuisunut saqqummiuttassallugit.

Suliassat tunngavianni allannguisoqassappat tamanna siulersuisunit amerlanerussuteqarlutik akuersippata pissaaq.



Annette Sadolin
Siulittaasoq

Tønnes Berthelsen

Inger Eriksen